



Broj: 05/7-39-1-178-64/20

Sarajevo, 2. 11. 2020.

Z A P I S N I K

64. sjednice Vijeća nacionalnih manjina BiH, održane 28. 10. 2020.

Sjednica Vijeća nacionalnih manjina BiH počela je u 17 sati.

Sjednicom, koja je održana u prostorijama Skupštine Brčko Distrikta BiH, predsjedavao je Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Marija Grbić, Hakan Varan, Eva Pašić-Juhas, Mladen Radmilović, Halil Bicađ i Vjeročka Gajić.

Opravdano su odsustvovali: Davor Ebner, Dejan Piotrovski, Tijana Vučurević i Jakob Finci.

Sjednici su, također, prisustvovali: Michael Scanlan, prvi zamjenik visokog predstavnika i supervizor za Brčko Distrikt BiH, Esed Kadrić, predsjednik Skupštine Brčko Distrikta BiH, Siniša Milić, gradonačelnik Brčko Distrikta BiH, Vedrana Dragoljević iz Ureda visokog predstavnika, Enver Bogućanin iz Sektora za odnose s javnošću Sekretarijata Parlamentarne skupštine BiH i Aida Kreho, sekretar Zajedničke komisije za ljudska prava.

Prije rasprave o tačkama dnevnog reda, upriličena je ceremonija dodjele zahvalnice Michaelu Scanlanu, prvom zamjeniku visokog predstavnika i supervizoru Brčko Distrikta BiH, za doprinos naporima da se regulira pravo pripadnika nacionalnih manjina u Brčko Distriktu BiH na jednako učešće u životu zajednice. Osim gosp. Scanlana, članovima Vijeća obratili su se i predsjednik i gradonačelnik Skupštine Brčko Distrikta BiH.

Nakon ceremonije, članovi su pristupili raspravi o predloženom dnevnom redu, te je Nedžad Jusić predložio, a članovi većinom glasova, s 9 glasova „za“, 3 glasa „protiv“ i 2 glasa „suzdržan“, prihvatili da se pod tačkom 4. predloženog dnevnog reda raspravlja o temi: „Zloupotrebe izjašnjavanja o pripadnosti nacionalnoj manjini radi ostvarivanja ličnih interesa“.

U skladu s navedenim, sjednica je imala sljedeći

Dnevni red

1. Usvajanje Zapisnika 63. sjednice Vijeća nacionalnih manjina BiH;
2. Razmatranje Izvještaja o napretku za Bosnu i Hercegovinu – poštivanje i zaštita manjina i kulturnih prava;
3. Preporuka CM/Rec (2020) 2 Komiteta ministara državama članicama o uključivanju historije Roma i/ili putnika u školske programe i nastavni materijal;
4. Zloupotrebe izjašnjavanja o pripadnosti nacionalnoj manjini radi ostvarivanja ličnih interesa;
5. Tekuća pitanja:
 - a) Upit člana Vijeća nacionalnih manjina BiH Tihomira Knežičeka, akt broj: 05/7-50-18-1978/20 od 9. 10. 2020.

Ad. 1. Usvajanje Zapisnika 62. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da rasprave nije bilo, pristupilo se glasanju, te je Zapisnik jednoglasno usvojen.

Ad. 2. Razmatranje Izvještaja o napretku za Bosnu i Hercegovinu – poštivanje i zaštita manjina i kulturnih prava

Nakon što je predsjedavajući otvorio raspravu o ovoj tački, u kojoj su učestvovali: Tihomir Knežiček – kao predlagač teme, te Nedžad Jusić i Velibor Kuvač, Vijeće je usvojilo prijedloge da se Zajedničkoj komisiji za ljudska prava i Ministarstvu za ljudska prava i izbjeglice BiH uputi inicijativa za donošenje Strategije za manjine na državom nivou, te zatraži dostavljanje modaliteta za „spajanje“ već donesenih strategija s nižih nivoa vlasti u BiH u jedan strateški dokument na državnom nivou. Također, usvojen je prijedlog da se zatraži očitovanje Saveza i Savjeta nacionalnih manjina RS-a u vezi sa Strategijom za nacionalne manjine u Republici

Srpskoj, te zatraži mišljenje o donošenju strategije na državnom nivou. Zaključeno je da će se na narednoj sjednici, odnosno jednoj od narednih sjednica – što zavisi od dostavljanja informacija od prethodno navedenih institucija - raspravljati i o potencijalnim modalitetima „spajanja“ strategija nižih nivoa vlasti u jedan, strateški državni dokument.

Ad. 3. Preporuka CM/Rec (2020) 2 Komiteta ministara državama članicama o uključivanju historije Roma i/ili putnika u školske programe i nastavni materijal

Nakon što je Nedžad Jusić obrazložio preporuke Komiteta ministara Vijeća Evrope, članovi Vijeća jednoglasno su primili materijal k znanju.

Ad. 4. Zloupotrebe izjašnjavanja o pripadnosti nacionalnoj manjini radi ostvarivanja ličnih interesa

Nedžad Jusić usmeno je obrazložio razloge predlaganja ove tačke dnevnog reda, te predložio da se ministarstvima unutrašnjih poslova Republike Hrvatske i Republike Srbije dostavi upit, odnosno zatraže podaci iz njihovih baza podataka o članovima Vijeća nacionalnih manjina BiH i njihovom, potencijalnom, izjašnjavanju o pripadnosti konstitutivnim narodima BiH. U raspravi su učestvovali: Jovanka Manzalović-Šalaka, Todorka Jovanović, Halil Bicaj, Velibor Kuvač, Eva Pašić-Juhas, Marija Grbić, Tihomir Knežiček i Andrija Svatok. Nakon modificiranja prethodno navedenog prijedloga zaključka na način da se „zadužuje sekretar Zajedničke komisije za ljudska prava da izvrši provjere o mogućem načinu dobivanja podataka o načinu izjašnjavanja članova Vijeća nacionalnih manjina BiH“, te nakon što on većinom glasova nije prihvaćen (sa 5 glasova „za“ – Todorka Jovanović, Nedžad Jusić, Andrija Svatok, Halil Bicaj i Silvija Vujović; 6 glasova „protiv“ – Vjeročka Gajić, Velibor Kuvač, Tihomir Knežiček, Jovanka Manzalović-Šalaka, Marija Grbić i Hakan Varan, te 3 glasa „suzdržan“ – Eva Pašić-Juhas, Mladen Radmilović i Dragan Marković¹), odgođena je rasprava o ovoj tački dnevnog reda do dostavljanja pisanog materijala od Nedžada Jusića, kao predlagača.

¹ Pojedinačno izjašnjavanje i navođenje podataka o glasanju uvršteni su u Zapisnik na zahtjev Nedžada Jusića.

Ad. 5. Tekuća pitanja

- a) Upit člana Vijeća nacionalnih manjina BiH Tihomira Knežičeka, akt broj: 05/7-50-18-1978/20 od 9. 10. 2020.**

Povodom upita Tihomira Knežičeka, koji se odnosio na pravo na naknadu Nedžada Jusića za 63. sjednicu, u raspravi su učestvovali: Andrija Svatok, Tihomir Knežiček, Jovanka Manzalović-Šalaka i Eva Pašić-Juhas. Rasprava je okončana bez zaključaka.

Sjednica je završena u 19.15 sati.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**